



Broj: 11-07/01-34-55454-173/24
Sarajevo, 03.03.2025. godine

SKUPŠTINA KANTONA SARAJEVO

n/r Elvedin Okerić, predsjedavajući Skupštine Kantona Sarajevo
-ovdje-

PREDMET: Odgovor na zastupničko pitanje - *dostavlja se*

Poštovani,

Zastupnica u Skupštini Kantona Sarajevo **Kapo Belma** je u okviru 19. radne sjednice Skupštine Kantona Sarajevo, u skladu sa čl. 211. i 214. Poslovnika Skupštine Kantona Sarajevo, uputila je zastupničku inicijativu, koja glasi:

„Molim da se izmjeni Pravilnik o neopravdanom izostanku s nastave u dijelu koji se odnosi na pravdanje od strane roditelja/staratelja na način da roditelj ima mogućnost pravdati minimalno 5 dana izostanka učeniku u toku jednog polugodišta.“ U obrazloženju se navodi da „U toku sezone gripe i pojačanog djelovanja sezonskih virusa koja se javlja u periodu od novembra do marta česte su posjete djece i omladine školske dobi samo zbog dolaska ljekaru po opravdanje. Čekaonice su prepune djece, djeca se dodtano izlažu virusima druge vrste čekajući da ih ljekar pregleda. Takođe i Vijeće roditelja je u nekoliko navrata slalo molbe da se zbog ovakvih dešavanja poveća pravo roditelja/staratelja na pravdanje većeg broja dana“.

Odgovor:

Članom 7. Pravilnika o izricanju odgojno-disciplinskih mjera u osnovnim i srednjim školama („Službene novine Kantona Sarajevo“, br. 33/24 i 51/24), a u vezi sa članom 3. Pravilnika o neopravdanom izostajanju sa nastave („Službene novine Kantona Sarajevo“, br. 2/20 i 24/20) propisan je način pravdanja časova i glasi: „Svrha iskazivanja neopravdanih izostanaka je da podstakne učenika na odustajanje od izostajanja sa nastave, a u skladu s pravilima škole i kućnim redom. (2) Neopravdanim izostankom se smatra izostanak s nastave za koji roditelj razredniku nije dostavio ispričnicu/ljekarsko uvjerenje koju je potpisao i ovjerio ljekar nadležne zdravstvene ustanove, tj. ljekar koji prati zdravstveno stanje učenika. Ispričnicu/ljekarsko uvjerenje roditelj mora isključivo lično uručiti razredniku u roku

koji se propiše pravilima škole. (3) Neopravdanim izostankom s nastave se smatra i izostanak za koji roditelj nije unaprijed tražio i dobio odobrenje i to:

a) u hitnim slučajevima, usmeno od razrednika/nastavnika s njegovog časa,




- b) pismeno od razrednika za izostanak do tri radna dana,
c) pismeno od direktora za izostanak do pet radnih dana.
d) nastavničkog vijeća za izostanak do 15 radnih dana. (4) U toku školske godine roditelj može lično opravdati izostanak svog djeteta bez ispričnice/ljekarskog uvjerenja, u trajanju od najviše **dva dana u toku jednog polugodišta**, odnosno četiri dana u toku nastavne godine. (5) Sve izostanke, osim bolesti učenika, roditelji moraju najaviti unaprijed i pismeno zatražiti odobrenje. (6) U slučaju odsustva učenika zbog bolesti roditelj je u obavezi isti dan obavijestiti razrednika. (7) Način pravdanja izostanaka učenika, rokovi za dostavljanje ispričnice/ljekarskog uvjerenja i drugi detalji oko izostanka učenika s nastave, uređuju se pravilima škole.

Shodno gore navedenom, utvrđuje se da roditelj učenika može pravdati časove četiri dana (2 u prvom polugodištu i 2 u drugom polugodištu) i tri radna dana može opravdati razrednik, ukoliko učenik nema ljekarsku ispričnicu odnosno nije posjetio ljekara te je navedenim data mogućnost pravdanja časova učeniku bez ljekarske ispričnice u toku školske godine. Ističemo, da je navedena odredba donesena uvažavajući najbolji interes učenika i njihovu zaštitu, jer činjenica je da po saznanju da dječije zdravlje na neki način može biti ugroženo, roditelj ima obavezu dijete odvesti nadležnom ljekaru koji vodi dijete, a kako bi se na vrijeme uočilo određeno zdravstveno/ medicinsko stanje i osigurala adekvatna medicinska zaštita odnosno pružanje potrebne zdravstvene pomoći i zdravstvene njege svakom djetetu, a što propisuje i Konvencija o pravima djeteta. Očekujemo da će pokrenuti programi specijalizacija uskoro dati rezultate kako bi se povećao broj zaposlenih ljekara, te bi se samim time unaprijedio standard pacijenta kroz pravovremenu zdravstvenu uslugu, smanjilo vrijeme čekanja i svrsishodno usmjeravan novac zdravstvenih osiguranika.

Napominjemo da je Ministarstvo za odgoj i obrazovanje Kantona Sarajevo i Ministarstvo zdravstva Kantona Sarajevo zaprimilo dopis od strane Kordinacije Vijeća roditelja Općine Centra, u vezi Vaše inicijative i zdravstvenog sistema koje je u nadležnosti Ministarstva zdravstva Kantona Sarajevo, a na koje smo blagovremeno odgovorili.

S poštovanjem,



Dostaviti:

1. Naslovu;
2. Evidenciji;
3. A/a.

